

## HADIS - MOTIVASI HIDUPKU

### HADIS TEMATIK (1) : TINGGINYA DARJAT PARA PENDIDIK

Sebuah riwayat daripada Abi Umamah al-Bahili RA berkata, beliau terdengar dua orang lelaki telah menyebut kepada baginda sesuatu, kedua-dua mereka terdiri daripada ahli ibadah dan seorang lagi ahli ilmu, lantas baginda Nabi *Salla Allah alaih wa Sallam* bersabda:

فَضْلُ الْعَالِمِ عَلَى الْعَابِدِ كَفَضْلِي عَلَى أَدْنَاكُمْ،

Maksudnya:

Kelebihan para ahli ilmu ke atas ahli ibadah seperti kelebihan yang ada padaku menghampiri mereka (para ahli ilmu),

Kemudian Nabi *Salla Allah alaih wa Sallam* bersabda lagi:

إِنَّ اللَّهَ وَمَلَائِكَتَهُ وَأَهْلَ السَّمَاوَاتِ وَالْأَرْضِينَ، حَتَّى الثَّمَلَةَ فِي حُجْرِهَا، وَحَتَّى الْحُوتَ لَيُصَلُّونَ عَلَى مُعَلِّمِ النَّاسِ الْخَيْرِ.

Maksudnya:

Sesungguhnya Allah SWT, para malaikat-Nya dan para penghuni langit dan bumi bahkan semut-semut di dalam lubang mereka dan ikan-ikan di dasar lautan berdoa kebaikan bagi orang yang mengajarkan kebaikan (ilmu agama) kepada manusia.

[al-Tirmidhi. 2000. *Sunan al-Tirmidhi*, Kitab *al-Ilm*, Bab *ma ja' fi fadl al-Fiqh ala al-Ibadah*, no hadis 2685. Penilai: Muhammad Nasir al-Din. Riyadh: Maktabah al-Ma'arif li Nasyar wa al-Tauzi'. Hukum hadis: Sahih]

#### Keterangan umum:

Guru merupakan warga pendidik yang sewajarnya perlu dahulu menjiwai jiwa seorang pendidik sebelum mendidik masyarakat dalam mencurahkan pelbagai ilmu lebih-lebih lagi ilmu berkaitan agama dan nilai-nilai Islam. Tugas seorang pendidik juga menjadi penyumbang besar dalam negara kerana sifat tanggungjawabnya adalah membangunkan modal insan dari generasi kepada generasi setiap peringkat dalam masyarakat. Bahkan warga pendidik seharusnya mengenang guru-guru mereka yang membentuk dirinya sehingga dia menjadi manusia yang dipandang umat. Kata penyair Mesir, Ahmed Mohamed Syauqi yang mengeluarkan bait penuh makna:

قُمْ لِلْمُعَلِّمِ وَفِيهِ التَّبَجُّجِيْلَاءُ \* كَادَ الْمُعَلِّمُ أَنْ يَكُونَ رَسُولًا.

Maksudnya: Berdirilah (untuk menghormati) guru itu dan lupakanlah penghormatan (dirimu) \*  
(Kerana) hampir-hampir guru itu (dianggap) seperti seorang rasul.